



Asocijacija arhitekata u Bosni i Hercegovini  
05.05.2011.

## Izložba "Restart - Arhitektura Bosne i Hercegovine 1995 - 2010" u Beogradu 10. maja 2011.

Nakon što je bila prikazana u Sarajevu u decembru 2010., izložba ove godine putuje i u Beograd. Domaćin će ovog puta biti 6. beogradska internacionalna nedjelja arhitekture (BINA). Izložba "Restart - Arhitektura Bosne i Hercegovine 1995 - 2010" predstavlja prvi projekat takve vrste u posljednjih 15 godina koji predstavlja pisani trag o tome šta se ustvari dešavalo s arhitekturom i arhitektima o tom periodu u Bosni i Hercegovini.



Izložba predstavlja dio projekta "RESTART - Arhitektura u Bosni i Hercegovini 1995-2010" u okviru kojeg je i objavljena istoimena knjiga, u organizaciji Asocijacije arhitekata u Bosni i Hercegovini (AABiH).

Projekt obuhvata 115 radova iz raznih oblasti arhitekture, autora iz cijele BiH koji su odabrani između 380 prijavljenih radova. Ulogu selektora Organizacioni odbor AABiH povjerio je Hansu Ibelingsu, svjetski

poznatom historičaru i kritičaru arhitekture, koji je jedan od osnivača i glavni urednik uglednog arhitektonskog magazina "A10 new European architecture" s referencama u internacionalnim kulturnim i umjetničkim krugovima.

Radi se prvom projektu takve vrste u posljednjih 15 godina koji predstavlja pisani trag o tome šta se ustvari dešavalo s arhitekturom i arhitektima o tom periodu odnosno šta se dešavalo s društvom jer je arhitektura odraz stanja u društvu.

Izborom internacionalnog selektora, koji je dao teorijsko-analitički osvrt na recentnu arhitekturu u BiH, promovira se međunarodni značaj arhitektonskog iskaza u BiH i preispituju dosezi i pozicija domaće arhitektonske scene u odnosu na savremeni evropski arhitektonski prostor.

Osim predstavnika 6. beogradska internacionalna nedjelja arhitekture (BINA), otvorenju izložbe će prisustvovati predsjednica UO AABiH Alma Sadović i urednik Hans Ibelings.

Dizajn postavke izložbe radi grupa arhitekata FILTER. Ulaz je besplatan.